

جريدة حاكمية

جمعه ايرتسى

نومرو	صفر	سنة	تشرين اول	سنة	صحيفة
٤١٥	٤	١٣٠٥	١٠	١٣٠٣	٤٥٥٨

(اشبو غزته بهر هفته جمعه ايرتسى كونلرى چيقار سنه لى درسعات ايچون مجديه يكرمى)
 (غروش حسابيله التمش غروشدر طشره لر ايچون اون بش غروش پوسته اجرثى ضم اولنور بهر)
 (نسخه سى ينه مجديه يكرمى غروش اولق اوزره يوز پاره يه هر يرده صاتيلور درج اولنه جق اعلانك)
 (هر برندن برمجديه اخذ اولنور سنه لكه مشرى اولق استيانلر عدليه نظارتى داترسنده كان)
 (جريده محاكم اداره سنه مراجعت ايلمليدر)

توجيهات

طرزون ولايت جليله سى استيناف محكمه سى رئيس
 ثانيى عزتلو رضا افندى به رتبة ثانياه صنف
 ثانيى

سلانيك ولايت جليله سى استيناف محكمه سى
 مدعى عمومى عزتلو غالب بكه رتبة ثانياه صنف
 ثانيى

معمورة العزيز بدايت محكمه سى مدعى عمومى
 معاونلى ارطغرل سنجاغى بدايت محكمه سى
 مدعى عمومى معاونى مصطفى افندى به

ارطغرل بدايت محكمه سى مدعى عمومى معاونلى
 معمورة العزيز ولايتى مدعى عمومى معاونى

قسمى

(اعلان)

جريدة محاكم بدايت نشرى اولان طقسان بش
 سنه سندن شمى به قدر چيقان طقوز سنه لك
 نسخدرندن نقصان بولنانلر بو كره طبع ايتديريله رك
 اكال ايدلمش اولمقله ارك مجمو عنه و كرك بعض
 سنه لكرينه فيئات موضوعه سيله طالب اولنلرك
 دائرة نظارت عدليه ده واقع جريده محاكم اداره سنه
 مراجعت انللى اخطار اولنور

عبدالرحمن افندی به

لوله بر غوس قضاسی بدایت محکمه سی مدعی
عمومی معاونت کی محکمه مذکوره باش کاتبی راقم
افندی به

حلب مرکز بدایت محکمه سی رئیس اولی فضیلتلو
علی رضا افندی به ادرنه پایه مجردی
بن استیناف محکمه سی رئیس فضیلتلو فیض الله
افندی به از میر پایه مجردی

ادرنه بدایت محکمه سی رئیس اولی فضیلتلو
عبدالحق افندی به از میر پایه مجردی

از میر بدایت محکمه سی رئیس اولی فضیلتلو محمود
اسعد افندی به از میر پایه مجردی

قونیه بدایت محکمه سی رئیس اولی فضیلتلو نسیم
افندی به از میر پایه مجردی

حلب بدایت محکمه سی جزا دایره سی رئیس
فضیلتلو حامد افندی به از میر پایه مجردی

اطنه ولایت جلیله سی مرکز بدایت محکمه سی
رئیس اولی ولایت مشارالیهام ملغاعدلیه مفتشی
عزتو حق بکه

قوصوه ولایتی استیناف محکمه سی جزا دایره سی
ریاستی قونیه ولایتی استیناف محکمه سی مدعی
عمومی سالم افندی به

قونیه ولایتی استیناف محکمه سی مدعی عمومی
حلب ولایتی استیناف محکمه سی مدعی عمومی
اسبق عزتو اسعد افندی به

جزایر بحر سفید ولایت جلیله سی داخلنده کاش
سو مبکی بدایت محکمه سی ریاستی یونده بدایت

محکمه سی ریاستندن مستعفی فتوئلونظیف افندی به
توجیه پیور لمشد

برنجی محکمه تجارت اعضا ملازمی وظیفه سی
اصول منخذه اینجا بنجه بر خدمت منضمه اولمق
اوزره محکمه مذکوره باش کاتبیه احاله قلمشدر

غره صفر سنه ۳۰۵ و ۶ تشرین اول سنه ۳۰۳
تاریخنده در سعادت و ولایات مدعی عمومیلکرینه
یازیلان تحریرات علیه در

خزینیه مدیون اولدیغی حالده وفات ایدنلر ورثه
سندن مطلوبات خزینیه بی ایناده تعلل ایلینلرله
اصول منخذه اخیر حکمنجه ترکه بی تحریر ایدن
محکمه حضورنده مرافعه اولتمق لازم کلوب
حالبوکه مطلوب خزینیه دن برقمی بدل التزام
وقائض و سائر کبی شبلر دن عبارت اوله رق
بوقوله خصوص صاندن طوایی محاکم شرعیه

حضورنده اجرای مرافعه عدم جوازی
مطالب مذکوره نک چور بیوب کتمسنی استلزام
ایتمکده اولدیغندن حقوق خزینیه نک تأمین
استیفاسیچون بعد ازین مدیوناً وفات ایدن و ترکه سی
محکمه شرعیه جانبدن تحریر اولناتلرک ورثه
سندن ایفای دینده تعلل ایلنلر علیهنده خزینیه
دعوی وکیلاری طرفندن یشک مائد اولدیغی
محکمه نظامیه زنده اقامه دعوی ایله استحصال

ایدیله جک اعلامک درجات محاکدن امرار یله
نظاماً کسب قطعیت ایتد کدن صکره باب عالی به
ارسال و اورادن دخی پیورلدی ایله باب والای
فتوایشاهی به تبلیغ ایدیله رک متوفای مدیونک
ترکه سندن تحصیل قلمسی حال و مصلحتیه موافق
کورندیکندن اکا کوره اجرای اقتضاسی مالیه

نظارت جلیله سندن طرف سائی فتواهی به مجلس
مخصوص قرار یله معلومات ویرلدیکی بیان غالیسیله
دایره عدلیه جه دخی اینجا بنک اجراسی مقام
سائی جناب و کالتینا هیدن شرفوارد اولان

فی ۳ محرم سنه ۳۰۵ و فی ۹ ایلول سنه ۳۰۳
تاریخلو و اوج یوز التمش التی رقی تذکره سامیه
ده امر و اشعار پیورلش و دایره مأموریتکزده
بولنان محاکمه تبلیغ اولتمق اوزره اشبو تحریرات
نسخ کافیه سی لفاً ارسال قلمش اولفله ایفای
مقتضاسی سیاقنده


(فی غره صفر سنه ۳۰۵ و فی ۷ تشرین اول)
(سنه ۳۰۳ تاریخنده در سعادت و ولایات)
(استیناف مدعی عمومی یله معاونت لکرینه)
(یازیلان محررات عمومی در)

اکرامیه حصه سی یلنلرینک صورت اخراج

و فروختی حقنده شورای دولت تنظیمات دایره
سندن تنظیم و مجلس خاص و کلاجه تعدیل
اولنوب مرعیت احکامنه بالاستینان اراده سنیه
جناب پادشاهی شرفتعلق پیوریلان قرارنامه ایله
اشبو تحریراتک صور مطبوعه کافیه و مصدقه سی
علی الاصول لفاً ارسال قلمش اولمغه لازم کتنلر
اجرای تبلیغاته همت اولتمی توصیه سیله شقه
مخصوصه ترقیم قلمدی

(فی ۹ محرم سنه ۳۰۵ و فی ۱۵ ایلول)
(سنه ۳۰۳ تاریخنده در سعادت محاکم جزائییه)
(رؤسایله محکمه تمیز باش مدعی عمومی لکنه)
(و در سعادت و طشره استیناف محاکمی مدعی)
(عمومی یله معاونلرینه یازیلان تحریرات عمومی)
(صورتیدر)

اصول محاکات جزائییه قانونک یوزیتش برنجی
ماده سنده محرر اولان میریا متره نک قاج ساعتدن
عبارت ایدوکی تعیین و اراده اولنماسندن ناشی
بعض محاکم و دوائر جزائییه جه تردد و اشتباه
حاصل اولمسی اوزرینه اولسایده مقام عالی
سر عسکری ایله جریان ایدن مخبره جوابنده فرانسه
محکمه سی اوزرینه بر میریامنده اون کیلو متره دن
یعنی اون پیک متره دن عبارت اولدیغنه و اراضینک



حوارضا طبعیه سی نظر دفته النهرق بهر بش
کیلو متره مسافه بر ساعت اعتبار ایدلکده
بولندیغنه نظراً بر میریامتره نك ایکی ساعت
مسافه دن عبارت ایدوکی ارکان حربیه عمومیه
دائرة سندن بیان وافاده اولندیغی تبلیغ اولنش
ومت قانونیه چه بر کونه یا کاشلق اولماق اوزره
دائرة مذکوره نك صورت رسمیه ده بیان اولنان
اشبو تفسیری دائرة سنده معامله اولنق اوزره
علی الاصول اشبو تحریراتک نسخ مطبوعه
کافیه سی لفاً ارسال قلنش اولغله ایضای
مقتضاسنه همت اولنسی سیاقده شقه ترقیم
قلندی

فی ۲۰ محرم سنه ۳۰۵ و فی ۲۶ ایلول سنه
۳۰۳ تاریخده بالعموم ولایات استیفاف محکمه سی
مدعی عمومیلکرینه تسطیر اولنان تحریرات عمومیه
صورتیدر

توتون بایعلرنک رژی اداره سندن الوب صائد
قری توتون پاکتلردن مقادیر معینه سندن نقصان
ظهور ابتدکی حالده اوله جق معامله یه دائر
مالیه نظارت جلیله سندن یازیلان تذکره اوزرینه
شورای دولت تنظیمات دائرة سندن قلمه النوب
بایولدی سامی تبلیغ بیوریلان فی ۱۸ تشرین

بوزوق اولان یعنی فابریقه دن چیقدقدن صکره
ایدیلان حیل و فسادنطولانی مقداری تناقص
ایدن ویادرونده کی توتون تحویل ویاتبدیل
ایدیلان پاکتله ایچون لازم کلان معامله قانو-
نه نك دخی فاعلری حقنده طلب واجراسی لزومی
کوستلش و صورت مشروحه یه نظراً جهت عد-
لویه متعلق خصوصات حقنده برمنوال محرر
معامله ایضای هر طرفه تبلیغ واشعار ایدلش
اولغله اوراجه دخی ایجاب حالک اجراسی
ضمننده اشبو تحریرات عمومیه نك نسخ مطبوعه
کافیه سی لفاً تسطیر قلندی

بوکره تعدیلاً قلمه آلتوب مرعیت احکامنه
بالاستیذان اراده سنیه حضرت پادشاهی
شرفعلق بیوریلان تمغا قانوننک اون سکرنجی
ماده سیله اشبو تحریراتک صور مطبوعه کافیه سی
علی الاصول لفاً ارسال قلنش اولغله لازم کلنله
اجرای تبلیغات اولنسی توصیه سیله شقه
مخصوصه ترقیم قلندی

فی ۷ صفر سنه ۳۵ و فی ۱۳ تشرین اول سنه ۳۳
مرعیت احکامنه بالاستیذان اراده جناب پادشا-
هی شرفعلق بیورلش اولان تمغا قانوننک تعدیلاً
قلمه النان اون سکرنجی ماده سی صور تیدر

اون سکرنجی ماده پولر سنداتک حین تمهیر
ویاخود امضاسنده یاشدیرلوق لازم کلورور
سندک پولی حین تمهیر ویاخود امضاسنده یاشدیر-
لش اولدیغی معلوم اولوق ایچون مهر ویاخود
تاریخک بر قسمی پولرک یازیلرینی کلیاً بوزمیه جق
صورته اوزرینه تصادف ایتدیر یله جکدر
پولر متعدد اولدیغی صورته دخی کذلک هر بر
پولک بر مقدار محلنه تاریخ ویاخود مهر ویاخود
امضا یوریدیلرک ابطال ایدیلر جکدر
منوال مشروح اوزره تاریخ ویاخود مهر ویاخود
امضاتک بر قسمی اوزرینه یوریدیلرک ابطال
اولنمیان سند نظاماً تمغاسز اعتبار اولنور

فی ۶ محرم سنه ۳۰۵ و فی ۱۲ ایلول سنه ۳۰۳

مرعیت احکامنه بالاستیذان اراده سنیه
جناب پادشاهی شرفعلق بیوریلوب درتوز
یدی نومرولی نسخیه درج اولنان پرومسیلتری
نظامنامه سنه علاوه اولنان ماده موقته بوجه آتی
درج اولنور

ماده موقته اشبو قرار نامه نك حکمی تاریخ
اعلا سندن اوج آی صکره مرعی الاجرا اوله
جقدر

فی ۲۳ ذی القعدة سنه ۳۰۴

و فی ۱ اغستوس سنه ۳۰۳

قسم غیر رسمی

یاغلیجی بکر اوغلی مصطفانک زوجه سی حوایت
حسنک افاده مضبوطه سی اظهار حقّه مدار
اولغله مزبورنک استماعی معاون مومی الیه
جانبندن طلب ایدلسنه مینی بالجلب خانه سندن
چیقان اشیانک جنسی سؤال اولندقدّه قایینی
یاغلیجی بکر اوغلی اجد بر طوره دروننده برپالطو
پارچه سی کنوروب دیلمسی کندوسنه تکلیف
وفر سوده لکی جهتله دیکش قبول ایتیه جکئی
سویلسیله بمالقدّه می اولز دیهرک قالدوروب
صندغک ارقه سنه آتدیغی افاده ایدرک خضر
اوغلی اجدک اشیای مسروقه سندن اولوب
خانه سی اوجاغندن چیقان برچوال دروننده کی
اشیایله تزی طرتادک اشیلرینک نمونه سندن
هانکیسی اول ظه ور اندیکی دخی مزبوره
حوادن صوردقدّه خضر اوغلی اجدک
اشیلرینی قایینی یاغلیجی بکر اوغلی مرقوم اجد کنوروب
اوجاغک ایچنه صاقلادیغی وزوجی مصطفی
ممانعت ایتش ایسه ده تشهیم سلاح ایله تحوین
ایتمسندن طولانی سکون ایدوب متعاقباً
قره غول بالورود خانه سی باصهرق اشیای
مز کورهی چیقاردیغی وواشیالردن بش سنه
صکرده تری طرتادک انیاسی نمونه سی
چیقادیغی دیسمیله اوجه قاین اجدک کنوردیکی
اشیلر خضر اوغلی اجدک اشیای مسروقه سی
اولدیغی میدانه چیقادیغی حالدّه اخیرآینه اجدک

(طقسان بدی سنه سی شهر تشرین ثانیسنک)
(اوچنجی صالی کچه سی ارزنجان قصبه سنده)
(کان کورابی محله سی اهالیسندن حاضر)
(اوغلی اجدک خانه سی قپوسنه اناختار)
(اویدره رق کشادواشیاسرقت ایتسندن طولانی)
(مظنون علیه اولان قصبه مزبورک بندرلی)
(محله لی یاغلیجی بکر اوغلی اجدله اوچبوز)
(سنه سی نیسانک ایکنجی بازار ایتسی کچه سی)
(تری طرتادک مغازه سنه دخول ایله اشیاسی)
(سرقت ایتدکری دعوی اولنان ینه یاغلیجی)
(بکر اوغلی مصطفی وبونلره یتاقلق ایدن)
(سلامی محله سی اهالیسندن امین اوغلی کوچک)
(اجد وکی قریه لی سلیمان اوغلی حاجی ماندو)
(وکذلک اوچبوز سنه سی اغستوسک اون)
(اوچنجی پنجشنبه کچه سی قوندره جی اغیانک)
(دکانی کشادواشیاسرقت ایتدکری ادعا)
(ایدیلان مرقوم حاجی ماندو ایله طاشجی)
(محله لی محمود اوغلی بدل محمدک محاکمه علنیه لری)
(ضبطنامه سندن مابعد)

کنوردیکی تری طرتادک اشیلرینک قبولی سبی
معاونلنک طلبی اوزرینه مزبوره حوادن
استفسار اولندقدّه خرسزلق مال اولدیغی بیلدیکنی
افاده وپالطو پارچه سی مزبوره یه اراّه اولندقدّه
خانه سندن چیقان پارچه ایدوکنی ویاغلیجی
بکر اوغلی اجد دخی مذکور پارچه بی برعسکردن
الیدیغی بیان ایتلریله تحقیقات ذیلنده افاده سنه
مراجعت ایدیلان اسماعیل طرفندن تبدیل
اسم ایتدیکی بیان ایدیلان منظور اوغلی محمد
واسماعیلک زوجه سی نالّه خاتونک جلبلریله
استماعلر یچون اکمال محاکمه اوچبوز ایکی سنه سی
کانون ثانیسنک اون طقوزنجی بازار ایتسی کونسه
تعلیق قلندی
یوم مذکورده هیئت سابقه بالاجتماع متهمون
مرقومون توقیفخانه دن جلب ایله وکیللری
ابراهیم وارتن افندیلر یانلرنده موجود و معاون
مومی الیه ومدعی شخصی اغیا حاضر اولدقلری
حالدّه ضبط سابق قرائت واکمال محاکمه
علنیه یه مبادرت اولندی
جلب ایدیلان مرقوم منظور اوغلی محمد بعد
التحلیف استماع اولندقدّه بو ماده دنطولابی
استنطاق واستجواب اولندیغی بیان ایتسیله مرقوم
اسماعیله اراّه اولندقدّه بیان ایتدیکی منظور اوغلی
محمد اشو محمد ایدوکنی وتبدیل نام ایله شیخ اوغلی
مصطفی دیهرک استنطاق ویرمش اولدیغی

سویلسیله ضبط کانی سابق توفیق افندی جلب اولنوب
مرقوم منظور اوغلی اراّه اولندقدّه شیخ اوغلی
مصطفی نامیله استنطاق اولان اشو منظور اوغلی
محمد دینلان آدم ایدوکنی ومنظور اوغلی محمد دخی
اسماعیلک والده سنه ترجانلق ایتک اوزره
استنطاق دائره سنه کیتدیکنی ومع مافیله اسماعیل
والده وزوجه سنده بشقه ناملر ویرهرک
شهادت ایتدیر دیکئی علاوه افاده ومستنطق سابق
رضا بکه دخی کوسترلدکده حاجی ماندونک
ماده سندن طولانی اشو منظور اوغلی دینلان
آدم شهادته کلش ایسه ده نه بولده شهادت
ایتدیکنی در خاطر ایده مدیکئی سویلریله مرقوم
محمدک افاده مضبوطه سی اوقوندقدّه کی قریه سنده
کی دکرمانه بغدادی اوکومتکه کیتدیکی وقت حاجی
ماندونک صاندیغی ایکی چفت قوندره نک بریسی
یکرمی سکز غروشه اسماعیل الوب دیکرینی دخی
ابراهیم بازارلق ایتکده ایکن کندوسی چیقوب
کیتدیکی بیاندن عبارت اولوب نه دیه جکی منظور
اوغلی محمددن تکرار صورلدقدّه ذاتاً شهادته
بولنوب ترجانلقده بولندیغی افاده سنده اصرار
ایلدی
بونک اوزینه اسماعیلک زوجه سی نالّه بنت باقی
استجواب اولندقدّه کندوسی استنطاق دائره سنده
استنطاق اولندیغی وحاضر بولنان منظور اوغلی
محمد دخی اسماعیلک کندی لمنده شهادت ایتدیردیکی
قادیلردن بریسیده اشو نالّه ایدوکنی سویلریله

معاون مومی الیه رمزی افندی اسماعیل اورتاغی
ابراهیم یاننده کندوسنه حاجی ماندو قوندیره
صائدیغنی اشای محاکده و استنطاقده دیمش
اولیادهده محبوبه و صافیه و شیخ اوغلی مصطفی
ناملرنده اوچده شاهد و شاهده بیان ایتشدی
بونلردن صافیه و محبوبه کلوب محکمه حضورنده
استنطاق دائره سنده شهادت ایدنلردن اولدققرینی
بیان ایتلری و صافیه نکده تکرار کلوب کندوسی
حاجی ماندو دن قورقو سندن محکمه حضورنده
معلوماتنی کتم ایلدیکنی بالیان حاجی ماندو اسماعیل
دکرمانک اوکنده توتلرک التده قوندیره صائدیغنی
کوردیکی اخبار ایتسنه بناء اولیاده کی مطالعه
سندیه بیان ایدلش اولدیغی وجهله بوباده کتم
شهادت ایدن محبوبه نك حرکتی متهم حاجی ماندونك
له و برائتیه خدمت دیمك اولدیغندن اصول
محاکماتک ایکی یوز سکسان و ایکی یوز سکسان
ایکنجی ماده لری حکمنه توفیقاً معامله ایفاسنی طلب
ایتدیکنه مبنی هیئتدن اعضا ملازمی ارتین افندی
مستنطق تعیین اولتمشیدی

مستنطق مومی الیه طرفندن اجرا اولنان تحقیقاتده
استنطاقده اساساً شهادت ایدن محبوبه و صافیه
اولیه رق اسماعیلک والده سیله زوجه سنك
بوناملر ایله کلوب شاهده صورتنده تقریر
ویرهرك بو حالده اسماعیل ایله ابراهیمک برائت
ایتمش اولدققرینك بیانیه اصول مزبورک یوز
یکرمی دردنجی ماده سی حکمنه توفیقاً بلا تأخیر

بسط و تمهید ایلدی
ایجابی تذکر اولندقدده منظور اوغلی محمد ایله
یتاق اولدققری مدعی عمومی معاونی طرفندن
بیان اولنان ابراهیم و اسماعیل عتقرنده اصول
محاکمه جه معین اولان مواده مرافق تدقیقات
لازمه اجرایی ضمننده هیئتدن اعضا ملازمی
ارتین افندی مستنطق تعیین اولنده رق جریان

ایدن محاکمه بی حاوی ضبط ورقه سنك بر
صورتی دخی چیقاریلوب مستنطق مومی الیه
اعطا ایلسنه قرار ویرلهك تفهیم قلندی
بونى متعاقب مدافعه وکیل ارتین افندی عند
الاستنطاق منع محاکمه ویرلش اولان اسماعیلک
اقامه ایتش اولدیغی زوجه و والده سیله منظور
اوغلی محمدک ادا ایتش اولدققری یلانجی شاهد
لك یوزندن مؤکلی حاجی ماندونك معصوم
اولدیغی بوکون جریان ایدن تحقیقاتدن اکل
شلدیغندن تبریه ذمتلرینی طلب ایدوب اشتغال
وقت قائم دیغی جهتله اکال محاکمه اوچیوز
ایکی سنه سی کانون ثانینك یکرمی سکرانجی
چهارشنبه کوننه تعلیق قلنمشیدی

یوم مذکورده هیئت سابقه تجمع ایدرك برقاعده
متهملر توقیفخانه دن جلب اولنوب وکیللری
یانلرنده موجود و مدعی عمومی معاونی مومی الیه
ایله مدعی شخصی اغیا حاضر اولدققری حالده
اکال محاکمه علنیه به ایتدار و ضبط سابق
قرائت اولندی

متهم کوجک احمدک خانه سندن ظهور ایدن
اشای مسروقه بی کیمدن الدیغی لدی السؤل باغلیجی
بکراوغلی مصطفی و عمر واسطه سیله برعسکره بوج
ویردیکی ایکی لیرایه مقابل رهن صورتیه الدیغی
وحتی مبلغ مزبوردن طولایده مرقومان مصطفی
و عمر ایله یینلرنده منازعه ظهور ایتدیکنی
ضبطیه محمد بن عبدالرحمن و حسن بن صادق

نام کیسه لر له اثبات ایده یله جکنی افاده ایدوب
مصطفی دخی احمده اشیا ویرمدیکی سونیکله
جلب ایدیلان ضبطیه محمد بن عبدالرحمن ایله
حسن بن صادق بعد التحلیف استماع اولندقدده
عدم معلوماتلرینی بیان ایتدیلر متهم باغلیجی بکر
اوغلی مصطفی خانه سندن اشیا ظهور ایتسیله
دکانی اچیق براغوب فرار ایتدیکی اوراق
دعوا دن منقهم اولسنه بناء زویه کیتدیکی
و فراریتک اسبابی صورلدقدده دکانی کلیدیلوب
انتخارینی چراغنه ویرهرك خانه سنه کیدوب
اندن صکره بغدادی اوکوتک اوزره خاخ قریه
سنه کیتدیکنی استنطاقاً سونلشیکن خانه سنه
اوغرامقسنین خاخ قریه سنه کیتدیکنی مبانیه
بیان ایتدی و معاون مومی الیه بوباده کی
مطالعه سنی بیان ایتك اوزره وقت اشتغال
مرور ایتکله اکال محاکمه فردایه تعلیق قلنهرق
اوچیوز ایکی سنه سی شهر کانون ثانینك یکرمی
طقوزنجی پنجشنبه کونی هیئت سابقه بالا اجتماع
متهملر توقیفخانه دن جلب و مدافعه وکیللری
یانلرنده و مدعی عمومی معاونی ایله مدعی شخصی
اغیا حاضر اولدققری حالده محاکمه علنیه به

مبادرت و ضبط سابق قرائت اولندی
مدعی عمومی معاونی مومی الیه کلامه ایتدار
ایله مصطفی دونکی محاکمه ده قضیه ده عدم
مدخل بیانیه فرار ایتدیکنی دیمش ایتسه ده بونك
خانه سی تحریسنی خبر الدقدن صکره قاچوب

بر مدت كز هرك خفياً اوينه كلوب ضبطيه لر طرفندن
خانه سى آبلوقه ايدلد يكنده قادين احرامنى باشنه
اورتوب حرملى ميانه قارشديغنى بالاي بناده بكليمان
ضبطيه محمد كوروب قيوده بكليمان ضبطيه لره قادينلى
براقه يكر مصطفى احرام ايجنده در ديو اخطار ايتديكنده
بو محمدك جلبيله تقريرنك التمنى طلب ايلدى
ضبطيه محمد جاب وافاده سنه مراجعت اولندوقده
مصطفانك خانه سنى تحرى ايتك اوزره تحرى
مأمور لريله كيتديكنده مصطفانك باشنه احرام
الهرق قادينلرك ارسنه صوقلدديغنى طامدن كور-
مسيله ديكر لرينه خبر وريدكى افاده ايتدى
مداقعه وكيلى ارتين افندى مؤكلى مصطفانك فعل
سرقنده فاعل ويا مشترك اولديغنى ايمايده جك
هيچ بر سر رشته اولمديغنى و اگر چه ضبطيه محمدك
افاده سى تأييدادن وارسته ايسه ده بالفرض
سويلديكى كى مصطفى باشنه احرام المش اولسه
يله قانون نظر نده مجرم صاييله ميه جغى چونكه
ضبطيه و مأمورين وساثره نك برخانه يي ابلوقه
ايله تحرى ايتسندن دروننده كى اشخاصك دوچار
خوف و خشيت اولسى طبعى اولوب بناء عليه
دلائل ثبوتيه مفقود اولديغنى حالده بويله اضعف
بر دليل ايله بر شخصك محكوميتى مغاير عدالت
ايدوكنى افاده ايلدى
مدعى عمومى معاونى مومى اليه ده اسماعيل
وابراهيمك ظهور ايدن دلائل جديده جهتيه

بومسئله ده اشتراك نندن طولايى كيفيت
مستنطقه حواله اولنديغى و بصورتله مرقومان
حقننده كى معامله مجراى طبع قانونيسى ايله جريان
و تيجيه بوله جغى و منظور اوغلى محمدك دماستنطاقده
مرقومان ابراهيم واسماعيلك له و عليه لنده اثنائى
محاكمه ده بركونا شهادتى سبقت ايتمه رلا مستنطق
حضور نده سويلديكى يلادن ايسه جزا كورمك
لازم كليسه جكى دركارد در بوراده انردن ترك
مقال اولنور خضر اوغلى اجد و ترزى طرفادك
اشيائى مسروقه سندن باغليجى بكر اوغلى مصطفا
نك اوندن و چاه تعبير اولنور آشخانه قور سندن
و خانه نك محال ساثره سنده مختفى اولديغى
حالده زمان متخالفه ده ظهور اين اشيا
وصا قونك مخبرونك اخبار و شهادت لريله
مرقوم طرفاد و اجدك اولديغى اكلاشلى
و خانه سنىك بدايت تحريده مصطفانك فرار
ومتوخرأ خانه سنىه كلوب ضبطيه لر طرفندن
ابلوقه ايدلد يكنده ينه ايزينى بر صورتله ذئب ايدرك
فرار ايتك اوزره احرامه صاريلوب قادينلره
قارشديقن صكره باجاده كوزجى بولنان ضبطيه
محمدك بالمشاهده اخبار ايتسى و برادري
اجدك سابقه اصحابندن اولديغنى يلدكى حالده
خضر اوغلى اجدك خانه و ترزى طرفادك دكانندن
سرفت ايدوب كوتوردىكى اشيايى نفعاتله قبول
ايتسى و بوجهتى زوجه سى حواحاتونك دخی معترفه

١ مارت سنه ٩٩ تاريخ وايكى نومرولى بو محكمه نك
اعلاميله اغنام بشافلغى ماده سندن التى
آى مدته محكوميت كى سابقه حالك انضمام
قربنه سيله بونك دخی بومسئله لره بشاق اولديغى
واصل رتبه بدهايتدر بدل محمدك دخی اموال
مسروقه دن اولان قوندوره جى اغيانك لايچينلىرى
خانه سندن ظهور ايلديكى حالده خانه سى
و محبوبه نامنده زوجه سى اولمديغنى مدافعه بيان
ايتشيكين لايچين ظهور ايدن خانه نك كندى
خانه سى و مزبور نك دخی زوجه سى اولمديغى
عندالحاكمه مرتبه تحققه وارمى و ملا كويلى
اواديسك اغنام سرفندن طولايى غياباً
ايكى ماه محكوميتى كى سابقه حالى و برار القده
فرار ايدرك كندوسنى عسكركه بدلا قيد ايتديرمى
دلاتيله قوندوره جى اغيانك اشيايى سارقى
اولديغنى تحقق ايتشدر باغليجى بكر اوغلى اجدك
بويايده شركتى اولمديغنى بيان ايتش ايسه ده برادري
مصطفانك بويايده كى اقرارى و اشيايى مذكوره يي
كوياشهرك خارجنده راست كلدكى ادملر طرفندن
براغيلوب صاوشمسندن طولايى الوب برادري
مصطفانك خانه سنىه كوتوردىكى تأويلاً اعتراف
ايتسى و خضر اوغلى اجدك خانه سندن سرفت
ايلديكى اشيايى مبايعه ايلديكى مدافعه درميان
ايتش ايسه ده اثبات كيفيت ايده مامسيله هر ايكى
جهتدن سارق اولديغى تعين ايتشدر كوچك
اجده كنجه باغليجى بكر اوغلى لايقييله

بولنسى كى براهن قاطعه ايله بشاق اولديغى ثابتدر
بحث حاجى ماندويه كنجه اشيايى مسروقه معلومه يي
بولنوب كتورمك اوزره معاون سابق توفيق
بكى تأمين ايله حبسخانه دن چيقديقن صكره
در سعادته فرار و وقوعبولان اشعار اوزرينه
اوراجه در دست ايتديرامى و مغازه جى مغدس
كبركور قوندوره جى ديكر كبر قورياننده ترزى طرفاد
و قوندوره جى اغيايه خطاباً بى حبس ايتديرمى كى
حالده اموال مسروقه يي كتوريرم ديمى
واسماعيلك اياغنده كوروب صانلق اولديغنى
اكلاديغى قوندوره لى قاج غرشه صانه جغى
بالسؤال اوتوزيش ودها نقصانه ويره جكنى
بيان ايلديكنده خرسزلى اولديغنى درك ايدرك
المديغنى استنطاقاً بيان ايتش ايكن اثنائى محاكمه ده
اسماعيلدن اوتوزيش غروشه برچيفت قوندوره
الوب مقابلنه بش قود بغدادى و بركدن صكره
مال مسروق اولمديغنى بالاستماع كندوسنه
رد ايلديكى درميان ايتسى و سارقى درك درسته
كيدن ضبطيه على اوباشى باغليجى بكر اوغلى
اجدى كندوسندن سؤال ايلديكنده بيلديكى
وعلى الغفله اياغنده كى قوندوره يي بالارائه
بزچيفته كندوسى الديغنى كى اغزندن سوز
قاجيره رق بوندن ندامتله ايزينى غائب ايتك
اوزره مذكور قوندوره لى اسكيمى يوسفه
هيئت اصليه سنى دكشدير ججه سنىه اغزبنى
كسديروب يانلرني ايلك ايله چويرندلسى و فى

یتلدیکی سولدیکی حالده لیلأ مرقوماندن کرک
 عاریت و کرک مبیاعه صورتیله اولسون اشیا المسی
 اموال مسروقه بی یله رک الدیغنه دلیل کافیدر
 بناء علیه اولصورته مرقومونک مجرمیتلرینه
 قرار طلبندهیم دیو ادماده بولندی
 بونک اوزرینه نه دیه جکری متهملردن صورلدقده
 حاجی ماندو طوارسرقی ماده سندن طولای اولان
 حکم صحیح اولدیغنی چونکه معاون اسبق یانقه
 افندیکن خدمتکاری چولاق نام شخص طوارلری
 چالارق برادرله باباسی طوارلری کندوسنه
 ویردکرینه دائر علیهنده شهادت ایتش اولمردن
 ناشی حکم مذکور مخالف قانون اولغله سابقه
 خالدين معدود اولیه جغنی وقوندوره بی اغیا ایلله
 ترزی طرتادک اموال مسروقه سندن طولای
 ضابطه دن فرار ایتیموب الدیغنی رخصت اوزرینه مصالح
 ذاتیه سیچون ازمیره کیتدیکنی و غازه بی کرکور ایلله
 قوندره بی دیگر کرکورک افاده لری اغیانک خاطرینه
 رعایتدن ایلو کلدیکی و اموال مسروقه دن اولان
 قوندوره ایلله صاقوده ذاتاً ابراهیم ایلله اسماعیلدن
 ظهور ایلدیکی تحقیق ایتش اولدیغنی و سرقته
 اشتراک ویتاقلغنه بر دعوی اولدیغندن تبریه سنی
 طلب و باغلیجی بکر اوغلی احمد دخی اشیا
 مذکور بی بولده بولدیغنی افاده اولیه سی
 دائره سنده بیان و بدل محمد و مصطفی دخی وکیللرینک
 بالوکاله مدافعه ایتلرینی افاده ایتلرله مدافعه وکیل
 ابراهیم افندی دخی مؤکلی بدل محمد عزو اوئشان

فعل سرقتک یکن محاکمه کرده بیان ایلدیکی وجهله
 فاعلی اولدیغنی و محبوبه دنیلان خانونک خانه سندن
 ظهور ایدن لایچین باغلیجی بکر اوغلی کترردیکی
 مزبوره نک قول مجرمنده قالدیغنی و مزبوره محبوبه
 محمدک زوجه سی اولدیغنی کبی زوجه سی ولدیغنی
 دخی عدالمحاکه تحقیق ایتدیکنی و سارقلق صقیله فرار
 ایتیموب عسکر فراریسی اولدیغنی افاده و دیگر
 مدافعه وکیل ارتین افندی مصطفانک خانه سندن
 ظهور ایدن خضر اوغلی احمدک اموال مسروقه سیله
 ترزی طرتادک برایکی پارچه اشیا سنی برادر اجد
 کتوردیکی حضور محکمه ده اقرار ایتدیکنی
 و بوندن بشقه ده مصطفی حقنه بر دلیل و اماره
 اولدیغنی و برادرینک سابقه سنده دار برادما
 سبقت ایتدیکی جهته برائی لزومی و کوچک اجد
 دخی باغلیجی بکر اوغلاردن الدیغنی اشانک مال
 مسروق اولدیغنی بیلیه رک رهن صورتیله الدیغنی
 افاده ایتلرله تکرار متهم وکیل ارتین افندی کلامه
 آغاز ایلله حاجی ماندونک بالفعل و یا بالواسطه عزو
 اولنان یتاقلغنی ارتکاب ایتدیکنه دائر اخبار
 وقوع بولدیغنی و سبب اتهامی اولان صاقو ایلله
 قوندوره مسئله سیده ابراهیم ایلله اسماعیلدن ظهور
 ایتدیکنی و ابراهیم افندی دخی مؤکلی احمد خضر
 اوغلنک مسروق اشیا سنی بولده بولوب برادر
 خانه سنده کتوردیکی ترزی طرتادکده ظهور
 ایدن چوقه پارچه لرینی حضور محکمه ده اقرار

و اعتراف ایلدیکندن و چالدیغنه دائر بر اثبات
 بولنه مدیغندن برائی طلب ایلدی
 بناء علیه طرفینک دها بر دیه جکری اولوب
 اولدیغنی لدی السؤل متهملر اولدیغنی و مدعی
 شخصی اغیا ایلله طرتادک اوغلی دخی تضمینات
 استدعاسنی اعطا ایتلرله محاکمه ختام ویرلدیکی
 تفهیم قلنه رق اشتغاله وقت قالدیغندن ایجاب ایدن
 رارک اعطاسی فردایه تعلیق قلندی
 ایجاب کیفیت لدی المذاکره متهملرینده ظهور ایدن
 قوندره و صاقو و اشیا سائر اجد و قوندره بی اغیا
 و ترزی طرتادک اموال مسروقه سندن اولدیغنی بر
 وجه زبردلائل و اخبارات ایلله ثابت اولوب بناء علیه
 متهملردن حاجی ماندوینده ظهور ایدن قوندوره بی
 بش قود بغدادی و برچوال مقابله طاولجی اسماعیلدن
 صاتون الوب اخیراً خرسزلق مال اولدیغنی
 ضبطیه علی اوئشاشی خبر ویرمی اوزرینه اعاده
 ایدرک بغدادی و چوالی استرداد ایتک ایتدیکنده
 صرف ایتدیکنی بیان ایلله مرقوم اسماعیل
 صرتدن صاقوسنی چیقاروب مقابله ویردیکی
 جهته اشیا مذکوره نزدنده ظهور ایتدیکنی
 وکیل مدافعه برابر سولش ایه ده اولیاده اقامه
 ایتدیکی مجبرلر اسماعیل ایلله اولان اخذ و اعطالرینی
 خبر ویرمیوب یالکز اسماعیلک حاجی ماندودن
 بر صاقو و حاجی ماندوده اندن بش قود بغدادی
 و چوال مطالبه ایتکده اولدق لرینی سولیدکرینه
 واصل مطلوب اولان اسباب مطالبه وجهت

اخذ و اعطای خبر ویرمه مالمینه نظراً اخبارات
 مذکوره دفع واقعک ثبوتنه کفایت ایتدیکی
 کبی اسماعیلدن مبیاعه سنده طالب اولدیغنی
 قوندره رک خرسزلق مال اولدیغنی اکلا مسیله
 استنطاقاً المدیغنی سولشیکن اثنای محاکمه ده
 قوندره لری اسماعیلدن بش قود بغدادی و برچوال
 مقابله صاتون الهرق خرسزلق مال اولدیغنی
 استماع ایتسیله کیری ویردیکنی سرد ایتسی
 و قوندره رک ایاغنه اولامسیله آغزلرینی کسد
 یکنی اسکچی بوسفک اخبار وقو عنه مبنی
 اعتراف ایدوب اشو اعترافی عقلاً و حکماً
 صدقه قابل توفیق اولیوب هیئت اصلیه سنی
 دکشدرمک کبی اسباب کتم و اخفادن معدود
 بولمسی و اشیا مسروقه بی بولوب کتورمک
 اوزره معاون سابق توفیق بکی باله آمین
 توقیفخانه دن چیققدن صکره در سعادته فرار
 ایدوب اوراجه در دست اولمسی و اغنام
 سرقی یتاقلغنی ماده سندن طولای الی ای مدله
 محکومیت کبی سابقه حانک انضمامی دلائل
 و قرائن موجوده سائر ایلله مرقوم حاجی
 ماندونک یتاق و آلت مخصوصه استعمالیله لیلأ
 مدعی شخصی خضر اوغلی احمدک خانه سندن
 سرقت ایتدیکی اشیا برادر مصطفانک خانه سنده
 مختفی اولدیغنی حالده ظهور ایدرک بولده
 بولدیغنی حقنه کی بیاناتی مدافعه مقبوله دن
 اولدیغنی مثلاً دیگر مدعی شخصی ترزی طرتادک

مغازه سی دیواری لیلاً دله رک سرقت
ایدیلان اشیان را داری مصطفانک خانه سندن
چیقان پالطو پارچه سی مصطفانک زوجه سی
حوانک اخبار و مذکور پارچه بی عسکرلر دن
الدیغی وادیسند اعتراف ایتسی واحدک سابقه لو
طاقندن اولدیغی حالده بالدفعات کتور دیکی
اشیای مصطفانک قبول ایله برابر خانه سی
تحریرسند فرار ایتسی وبعده خانه سنه کلدیکی
خبرالنسیله در دست ایچون خانه سی ابلوقه
ایدلسیله اباشنه احرام اله رق اختفا ایلدیکی
ضبطیه محمدک افاده سندن اکلا شلمی و بو حالله
واشیانک بیلدیکی حالده قبولیه احدک سارق
و برادری مصطفانک دخی یتاق و دیگر مدعی
شخصی اغیانک لیلاً دکانی دیواری دله رک
سرقت ایدیلان قوندره لردن برچیقنک خانه سندن
(مابعدی وار)

اعلان

قره طاغ قیچلاریه سی ترجانلردن مارقونک اوغلی
عربه جی دیمتری بی بالنازعه جرح و قتل ایلدیکی
ادعا سیله مظنون علیه اولوب الان حال فرارده
بولنان ارنیود قریه لی یکریمی سکز باشنده چیلکچی
طودوری ولد میخالک یوزیتش دردنجی ماده

قانونیه حکمنه موافق اولان فعلندن طولایی
در سعادت محکمه استینافیه سی جنایت قسمند
غیاباً محاکمه سی اجرا قلمق اوزره جنایتله اتهامه
قرار و برلدیکندن متهم مرقومک هرزه ده کرر یلور
ایسه طوتیلوب محکمه مذکوره توفیقخانه منه نقل
و تسلیی لازم کله جکی بالجمله ضابطه عدلیه
مأمور لربنک معلومی اولق اوزره اشو اخذ
و گرفت مذکره سی در سعادت هیئت اتهامه سندن
بالتنظیم اعطا قلندی

فی ۲۵ محرم سنه ۱۳۰۵ و فی ۲۰
ایلول سنه ۱۳۰۳

استارجی خاتمه ساکن استارجی اصنافندن کر-
قور ولد خچاطورک مقدا خان مذکورده ساکن
ایکن در سعادت غیوبت ایلدیکی و شیدی محل
اقامتی مجهول اولدیغی خبر و بریلان تجارندن
طاهر قپودان بن احمد علیهنه اقامه ایلدیکی یوز
یکرمی عدد عثمانلی لیراسی اله جق دعواسنک شهر
تشرین ثانی رومینک ایکنجی بازار ایرتی کونی
ساعت بدیده محکمه تجارت ایکنجی مجلسنده فصل
ورؤیتی مقرر ایدوکنندن یوم و وقت مذکورده
مدعی علیه مرقوم محکمه مذکورده حاضر بولنر
و طرفندن سند مصدق له بروکیل دخی کوندر من
ایسه حقنده اصول محاکمه تجارت نظامنامه سنک
مواد مخصوصه سنه توفیقاً معامله قانونیه نک اجرا

اولنه جغی معلوم اولق اوزره اعلان کیفیتیه
ابتدار قلندی

فی ۲۸ محرم سنه ۱۳۰۵ و فی ۵ تشرین اول سنه ۱۳۰۳

قبض مال اسماعیل اغانک کر برغوس قریه سی
ساکنلردن قوجو و فوطی نام برادرلر ذمتلرنده
ایکی قطعه اعلام موجبیه اله جغی اولان مبالغ
معلومه نک تأمین استیفاسی ضمننده محجوز اولان
مدیونان مرقومانک متوقا پدرلری پنا بوطندن
منتقلاً قریه مذکورده در سعادت جاده سنه
واقع ملک بر باب فرونک نصف حصه سنه
و محل مذکورده واقع ملک بر باب بقال دکا نده
بولنان قرق سکز سهم اعتباریه یکریمی بر سهم
حصه شایعه لری و ینه قریه مذکورک پتنوز نام
قریه جاده واقع سلطان بایزید وقفندن حدود
معلومه ایله محدود طقوز دویم اعتباریه مووی
الیهانک مناصفه متصرف اولدقلری ایکی
قطعه سبز بقیه سی التمش برکون ظرفنده اجرا
قلنان مزایده نتیجه سنه اون اوچ بیسک
غروش بدل ایله طالبی عهده سنه تقرر
ایتمکله موقت قرار داده سی اجرا قلندیغندن
تاریخ اعلاندن اوتوز برکون صکره قرار
قطعی سی اجرا ایدیه جکندن بدلات مقرر

مذکوره به یوزده بش ضمیمه طالب اولنلرک
مدت مز بوره ظرفنده مقری قریه سنه واقع
محکمه بدایت اجرا دائره سنه مراجعت ایللری
اعلان اولنور

فی ۳۰ ایلول سنه ۱۳۰۲

مرحوم باهر افندی کریمه سی حدیجه رائه خانمک
در سعادت بدایت محکمه سی ایکنجی حقوق دائره
سندن اعطا قلنان ایکی قطعه اعلام موجبیه امنیت
صندیغنه دینی اولان مبالغ تأمین استیفاسی چون
ضمننده تحت حجزه الدیریلان اقسرای جوارنده کشتی
قره طوت قریه اوز ج غازی محله سنه جنغراقلی
بوستان زقاغنده اسماعیل اغا جامع شریفی اتصالنده واقع
تخمیناً و تربیعاً در تیوز التمش ارشون اون درت پرمق
اوز رینه مبنی حرم و سلامق و سکز اوطیه بی
واخوری و تخمیناً بیک یوز التمش طقوز ارشونی
متجاوز بر قطعه بقیه بی شامل یکریمی بش نومرولی
بر باب قوناقد متصرف اولدیغی نصف حصه
شایعه سی بوندن اول مزایده به قونلشدر اولنان
مزایده نتیجه سنه لیرا یوز غروشدن اولق اوزره
اون ایکی بیک در تیوز غروشد طالبی عهده سنه
تقرر ایتش اولدیغندن بوندن زیاده به یعنی یوزده

بش ضمیمه طالب اولنلرک تاریخ اعلاندن اعتباراً
اونوز برکون ظرفده درسعادت مرکز اجرا دائره
سنه مراجعت ایتلری اعلان اولنور
۶ تشرین اول سنه ۳۰۳

باعچوان سوطرینک درسعادت بدایت محکمه سی
ایکجی حقوق دائره سندن اعطا قلنان برقطعه
اعلام موجبجه قهوه جی قسطی به دینی اولان
مبالغ معلومه نك تأمین تسویه سیچون تحت ججه
الدیریلان فاتح سلطان محمدخان محله سنده
چشمه باشی نام دیگر ولی افندی جاده سنده درت
نومرو ایله مرقم و تخمیناً اونیدی بیک بشیوز
اللی زراع مقداری بوستانک تاریخ اعلاندن اعتباراً
اون بش کون صکره بالمزایده فروخته تشبث
اولنه جغی درسعادت مرکز اجرا دائره سندن
اعلان اولنور

فی ۶ تشرین اول سنه ۴۰۳

حنیفه ثانیه خانمک برقطعه اعلام شرعی موجبجه
علی اغایه دینی اولان مبالغ معلومه نك تأمین
استیفاسی ضمنده مومی الیهانک عهده سنده بولنان
ارغاد پازاری قربنده قالیچه جی حسن محله سندرک
احسانیه زقاغنده واقع اوج نومرولی خانه سی
مقدما بالمزایده بیک عدد لیرای عثمانی بدل ایله طالبی

عهده سنده تقرر ایتش اولدیغی حالده مؤخرأ
وقوع بولان احظارات اوزرینه تحقیقات
اجرا سندن طولانی موقتاً امر مزایده تأخیر ایدلمشیدی
مذکور خانه عرصه سی ایکی وقف ایله مخلوط
وسکز و اوج نومرولی ایله مرقم ارلرب سکز
نومرولی عرصه نك اوج نومرولی عرصه به قلب
ایله کارگیر اوله رق ذکر اولنان خانه نك انشا
اولندیغی و مذکور خانه مع بغچه حرم و سلامقلی
و ایجابی حالده بشقه بشقه قولانغده قابلیتلی
و تخمیناً اون اوطه دن متجاوز اولوب احسانیه
زقاغی جهندن ایکی وقف دیلی جهندن برقیه ولی
بولندیغی و دروندن شرایکی بقعه سنده
یکدیگرینه کریلور ایکیشر قیولری و یکی مطبخی
و بوز اونبش آرشون بغچه سیله مجموع عرصه سی
اوجیوز یکرمی بر آرشوندن عبارت اولدیغی
تحقیقات واقعه نتیجه سندن اکلاشلش و شو حالده
مدت مزایده نك یکرمی برکون دهاتدید ایدلمش
اولدیغندن بدل مذکور دن زیاده به طالب اولدیغی
حالده مدت مذکوره ختامنه قدر دائره به مراجعتله
ضم ایتلری و مدت مذکوره ختام بولقد نصکره ضم
قبول اولنمیوب تقرر ایدن بدل ایله مالی عهده
سنه قطعاً معامله فراغیه سنک اجرا قلنسه جغی
اعلامات شرعیه اجرا دائره سندن اعلان اولنور
فی ۷ تشرین اول سنه ۳۰۳